

dù drù pfunt jaerlich³ ie an sant Martins abent, ald dar nach wenne es an vns⁶ geuordert wirt, inen nit / ganzlich richtinn, mit pfenningen ald aber mit guoten² vngeuarlichen varen pfanden, dù man ie vmb drù pfunt pfenning wol yersetzen oder verkoufen⁷ mag, So ist - - den vorbenemten vnsren⁶ / herren - - den Corherren vnd - - dem Capittel gemainlich ze Cur, vnsrù⁶ ebenemten zwai bett des wingarten zinsuellig mit allen den rechten dù dar zvo⁸ gehoerent⁹, vnd ist inen eigenlich / geuallen, Sunderlich vergich ich vorbenemtù K a t h e r i n a des ebenemten J o s e n B o k s elichù wirtinne, das ich dis vorbenemt guot vnd disen kouf⁷ willeklich vfgeben vnd geuertgot han, den, e-/benemten minen herren - - den Corherren, vnd - - dem Capittel gemainlich ze Cur, mit mines lieben vettern hant, des vorbenemten J o h a n s e n S t o e k l i n s⁹ mines rechten erkornen vogtes / vnd mit sinem guoten² willen han ich mich des guotes² luterlich enzigen, - - der mir vor offenem gerichte ze veltkirch in der Stat, vber⁶ dis sache, ze ainem rechten vogte geben vnd ertailt wart /, mit Rechter vmgaender³ gesamnoter vrtail; Vnd ist dis alles beschehen mit worten vnd mit werken, dar zvo⁸ mit allen dingen vnd sachen, so es wol kraft mag gehan, vnd iemer vest / vnd staet³ beliben, vnd wie recht ist; Das dirre kovf⁴ war vest vnd iemer staet³ belibe, des vnd aller dirre vorgeschribener dinge ze vrkünd, habent wir vorbenemten J o s e r / B o k burger ze veltkirch vnd katherin sin elichù wirtinn, den ebenemten vnsren⁶ herren - - den Corherren vnd - - dem Capittel gemainlich ze Cur disen brief geben vnd gebetten / besigeln, mit gemainem Jnsigel der Stat ze veltkirch, vnd mit Ruodolfs krapfen des ebenemten Statammans, vnd J o h a n s e n S t o e k l i n s⁹ aigenen Jnsigeln, wan wir selb nit Jnsigel habent, / Dù selben Jnsigel wir vorbenemten Ruodolf² krapf der amman, vnd J o h a n s t o e k l i⁹ burger ze veltkirch, durch iro bette willen, nach der burger Ravt⁵ ze veltkirch, vnd ovch⁴ ze vrkünd / aller dirre vorgeschribener ding gehenket habint an disen brief, Wan dirre vorgeschriben kovf⁴ mit vnsren⁶ handen vnd mit vnsrem⁶ guoten² willen, vfgeben vnd geuertgot ist, / als vorgeschriben stat; Dis beschach ze veltkirch in der Stat, vnd wart dirre brief geben, do man zalt von Gottes gebürt drüzehenhundert Jar, dar nach in dem Sibenden / vnd vierzgoten Jar, an dem nechsten zinstag vor Sant Nicolaus tag.